

U skladu sa odredbama Zakona o udruženjima i fondacijama Bosne i Hercegovine ("Službeni glasnik BiH" br. 32/01, 42/03, 63/08 i 76/11), na sjednici Skupštine Udruženja građana UDRUŽENJE MOTOCIKLISTA BOSNE I HERCEGOVINE, održanoj u Sarajevu, 16.05.2014. godine, Udruženje građana donosi

(Prečišćeni tekst)

STATUT

I OPŠTE ODREDBE

Član 1.

Ovim Statutom se utvrđuje:

- Naziv Udruženja, skraćeni naziv i adresa Udruženja;
- Ciljevi Udruženja;
- Organi Udruženja, način imenovanja i opoziva, ovlaštenja koja imaju, kvorum i pravila glasanja, trajanje mandata, lice ovlašteno da sazove Skupštinu, prestanak rada;
- Pravila za ostvarivanje, korištenje i raspodjelu sredstava Udruženja, kao i organ koji je ovlašten za nadzor nad korištenjem sredstava,
- Postupak za primanje i isključivanje članova;
- Javnost rada;
- Postupak za izmjenu i dopunu Statuta, ovlaštenje i način donošenja drugih općih akata;
- Opis oblika i sadržaja pečata;
- Zastupanje i predstavljanje Udruženja;
- Uslove i postupak za pripajanje, razdvajanje, transformaciju ili raspuštanje odnosno prestanak rada Udruženja, uključujući i bilo kakav poseban kvorum ili pravila za postizanje kvalifikovane većine u postupku glasanja;
- Postupak za raspolaganje preostalom imovinom ili drugim sredstvima u slučaju raspuštanja ili prestanka rada Udruženja.

II OSNOVNI PRINCIPI

Član 2.

Osnovni principi Udruženja su:

- unapređivanje motociklizma,
- edukacija učesnika u saobraćaju u odnosu na motocikliste,
- organizovanje aktivnosti na poboljšanju položaja motociklista i sprječavanje bilo kakvog vida diskriminacije u odnosu na druge učesnike u saobraćaju i u odnosu na vlasnike drugih vrsta motornih vozila,
- razvijanje, omasovljavanje i unapređenje sporta,
- podizanje nivoa fizičke kulture, fizičkog i zdravstvenog stanja građana, a naročito mladih,
- organizovanje i sprovođenje sportskih aktivnosti, programa i takmičenja,
- osiguravanje primjene novih propisa koji regulišu ponašanje u saobraćaju, a posebno propisa koji se odnose na motocikliste kao učesnike u saobraćaju,
- podsticanje stručne pomoći, predavanja i savjetovanja iz područja saobraćajne kulture i propisa koji uređuju ovu oblast,
- javno zalaganje za promjenu navika u sveukupnom odnosu prema motociklistima,
- omogućavanje saradnje sa istovrsnim ili sličnim udruženjima i pojedincima radi razmjene iskustava i novih saznanja,
- obavljanje drugih djelatnosti koje su neophodne radi ostvarivanja glavnih djelatnosti programskih ciljeva koji nisu u suprotnosti sa važećim propisima i zakonima, kao i
- demokratija i društveni razvoj.

Član 3.

Radi ostvarivanja svojih ciljeva Udruženje naročito:

- prikuplja i analizira podatke u oblasti zakonskih i drugih rješenja koja se odnose na položaj motociklista radi zaštite njihovih prava i daljeg razvoja motociklizma;
- organizuje, samo ili u zajednici i saradnji sa drugim organizacijama, skupove i druge vidove podrške aktivnostima na ostvarivanju svojih ciljeva;
- objavljuje saopštenja ili druge publikacije o pitanjima koja se odnose na popularizaciju i unapređenje motociklizma;
- organizuje sportske aktivnosti i takmičenja;
- sarađuje sa turističkom zajednicom Bosne i Hercegovine s ciljem uvrštavanja moto tura i programa u turističku ponudu naše zemlje;
- organizuje humanitarne akcije;
- sarađuje sa univerzitetima, školama, stručnim udruženjima i drugim organizacijama u zemlji i inostranstvu koje imaju slične ciljeve.

III NAZIV, ADRESA, DJELOKRUG RADA UDRUŽENJA

Član 4.

Puni naziv udruženja glasi:

UDRUŽENJE MOTOCIKLISTA BOSNE I HERCEGOVINE

UDRUGA MOTOCIKLISTA BOSNE I HERCEGOVINE

Skraćeni naziv udruženja je: UM BiH

Naziv Udruženja je istovjetan na sva tri jezika koji su u upotrebi u Bosni i Hercegovini. Službena upotreba naziva je na latiničnom i ćirilichnom pismu.

Član 5.

Sjedište Udruženja: Sarajevo, Avde Jabučice 6

Član 6.

Udruženje je nevladina neprofitna organizacija koja nema namjeru sticati profit i djeluje na području Bosne i Hercegovine.

Član 7.

Udruženje može promijeniti naziv i sjedište Udruženja, o čemu odlučuje Skupština Udruženja, u skladu sa zakonom.

IV PRAVNI STATUS I PEČAT UDRUŽENJA

Član 8.

Danom upisa u registar udruženja kod nadležnog Ministarstva, Udruženje stiče svojstvo pravnog lica, s pravima, obavezama i odgovornostima koja proističu iz zakona i ovog Statuta.

Član 9.

Udruženje ima svoj pečat. Pečat Udruženja je okruglog oblika, promjera 30 mm, i u sredini sadrži logo koji sačinjava skraćeni naziv Udruženja: _____ pisan latiničnim pismom. Po obodu pečata bit će ispisan puni naziv Udruženja _____ Upotreba pečata biće regulisana Pravilnikom o upotrebi pečata.

V CILJEVI, ZADACI I DJELATNOST UDRUŽENJA

Član 10.

Udruženje podstiče i koordinira aktivnost svojih članova na ostvarivanju zajedničkih ciljeva i zadataka, u skladu sa zakonom o udruženjima i fondacijama Bosne i Hercegovine i drugim zakonskim propisima, a na bazi svojih programskih ciljeva radi kojih je udruženje i osnovano.

Ciljevi i djelatnost udruženja su kako slijedi:

- podrška inicijativama koje vode ka unapređenju sigurnosti motociklista;
- društvena kohezija, integracija i društveno uključivanje građana;
- podizanje nivoa znanja građana, učesnika u saobraćaju prema vozačima motocikala;
- podizanje nivoa znanja građana i zalaganje za promjenu navika u odnosu na motocikliste u Bosni i Hercegovini;
- promovisanje saradnje između sva tri sektora društva: javne uprave, poslovnog sektora i neprofitnog sektora radi poboljšanja zakonske regulative koja se odnosi na položaj motociklista, a sve zbog zaštite njihovih prava i razvoja sigurne vožnje u Bosni i Hercegovini;
- promovisanje saradnje između lokalnih vlasti i organizacija civilnog društva s ciljem pružanja podrške sigurnosti učesnicima u saobraćaju;
- promovisanje standarda i pretpostavki koje će poboljšati status motociklista Bosne i Hercegovine;
- organizovanje kampanja javnog zastupanja kroz projekte savjetovanja građana o unapređenju vještina upravljanja motociklom, sa posebnim osvrtom na mlade;
- kreiranje i koordinacija projekata koji podstiču stvaranje što boljih uslova za bavljenje sportsko-rekreativnim aktivnostima u rekreativnom i takmičarskom smislu u cilju unapređenja razvoja turizma u Bosni i Hercegovini;
- fokusiranje rada na programe, inicijative i kampanje s ciljem promovisanja tradicije motociklizma, kao i okupljanje ljubitelja motociklizma radi promocije principa zdravog okoliša;
- organizacija moto susreta;
- rad na poboljšanju komunikacije između organizacija civilnog društva i uspostavi uspješnih modela saradnje;
- izdavanje brošura, biltena i letaka radi ostvarivanja ciljeva i djelatnosti Udruženja;
- internacionalizacija problema kojima se Udruženje bavi, naročito saradnja sa srodnim NVO u svijetu.

Član 11.

Udruženje je nestranačko, nevladino, neprofitno udruženje koje se finansira iz članarine, priloga donatora i svojih članova.

VI ČLANSTVO U UDRUŽENJU

Član 12.

Osnivači udruženja su ujedno i članovi Skupštine.

Članovi Udruženja mogu biti i druga lica koja pristupe Udruženju i prihvate programske ciljeve i opšta akta Udruženja.

Članovi Udruženja su ravnopravni.

Fizička lica kao članovi Udruženja učestvuju u radu i razvijaju svoje aktivnosti neposredno, a pravna lica kao članovi Udruženja, učestvuju u radu i aktivnostima Udruženja preko svojih predstavnika.

Član 13.

Za uspješnije ostvarivanje ciljeva Udruženja u okviru Udruženja mogu se organizovati komisije, sekcije, seminari, predavanja i stručni savjeti.

Član 14.

Članovi Udruženja ne mogu biti:

- lica kojima je izrečena mjera bezbjednosti zabrane javnog istupanja, dok ta zabrana traje,
- lica osuđena za krivična djela protiv bezbjednosti ili krivična djela ugrožavanja osnovnih ljudskih prava, kao za krivična djela preuzeta po osnovu međunarodnih konvencija,
- lica koja svojim lošim odnosom prema ostalim članovima narušavaju jedinstvo Udruženja.

Član 15.

Udruženje može imati sljedeće kategorije članstva:

1. aktivne,
2. počasne i
3. potpomažuće.

Član 16.

Aktivni članovi Udruženja su:

- lica koja aktivno rade u Udruženju ili obavljaju stručne i administrativne poslove u Udruženju,
- lica koja imaju svojstvo funkcionera, odnosno koja aktivno vrše povjerene dužnosti u organima upravljanja i radnim tijelima organa uprave Udruženja.

Skupština Udruženja donosi odluku o visini godišnje članarine članova Udruženja. Plaćanje članarine oslobođeni su: studenti, učenici, nezaposleni i penzioneri.

Za stupanje u članstvo podnosi se pristupnica i izjava na pripremljenom obrascu. Primljeni član upisuje se u evidenciju članova.

Član 17.

Počasni član Udruženja je lice koje Skupština Udruženja izabere za počasnog člana zbog naročitih zasluga za razvoj Udruženja.

Član 18.

Potpomažući članovi Udruženja su građani i pravna lica koja redovnim prilozima potpomažu rad i aktivnosti Udruženja u ostvarivanju ciljeva i zadataka Udruženja.

Član 19.

Aktivnim članovima Udruženja, nadležni organ upravljanja može odrediti naknadu ili nagradu za njihov rad i pružene usluge, na osnovu kriterija utvrđenih posebnim Pravilnikom.

Član 20.

U znak priznanja za savjesno ispunjavanje zadataka, za posebne rezultate i za savjestan i predan rad, Udruženje može pohvaliti i nagraditi svoje članove. Pohvale i nagrade izdaju se u vidu pohvalnica i diploma.

Odluku o pohvalama i nagradama donosi Skupština Udruženja.

Član 21.

Stupanje u članstvo je slobodno i vrši se na dobrovoljnoj osnovi, ako su ispunjeni uslovi za prijem u članstvo.

VII PRESTANAK ČLANSTVA**Član 22.**

Članstvo u Udruženju prestaje:

1. istupanjem,
2. isključenjem.

Član 23.

Svaki član Udruženja može slobodno istupiti iz članstva, davanjem pismene izjave o istupanju. Sa odlukom člana Udruženja o istupanju iz članstva, upoznaje se predsjednik Upravnog odbora Udruženja, nakon čega se vrši evidentiranje istupanja.

Član 24.

Isključenje iz članstva se vrši u slučaju:

- kada član Udruženja teže povrijedi odredbe ovog Statuta ili drugih pravila Udruženja, ili ako djeluje protivno ciljevima i interesima Udruženja.
- kada član kontinuirano i kroz duži vremenski period zanemaruje preuzete obaveze, o čemu će odluku donijeti Skupština Udruženja.

Odluku o isključenju donosi Skupština Udruženja.

Isključenje iz Udruženja povlači sa sobom i opoziv tog člana, ukoliko je izabran na određenu funkciju, odnosno predstavnika Udruženja.

VIII PRAVA, DUŽNOSTI I ODGOVORNOSTI ČLANOVA UDRUŽENJA

Član 25.

Prava članova Skupštine Udruženja su:

1. da biraju organe Udruženja i da u njih budu birani,
2. da ravnopravno s drugim članovima učestvuju u ostvarivanju ciljeva Udruženja;
3. da neposredno učestvuju u odlučivanju na sjednicama Skupštine, kao i preko organa Udruženja
4. da daju prijedloge, mišljenja i sugestije,
5. da prate rad Udruženja i pokreću inicijative za rješavanje pitanja od interesa za Udruženje,
6. da budu redovno informisani o radu i rezultatima rada Udruženja,
7. da u zaštiti svojih prava koriste pomoć Udruženja.

Član 26.

Dužnosti članova Skupštine Udruženja su:

1. da učestvuju u aktivnostima Udruženja;
2. da savjesno i odgovorno izvršavaju povjerene poslove i zadatke u vezi sa radom i aktivnostima Udruženja;
3. da propagiraju djelatnost Udruženja, a posebno značaj njenih programskih ciljeva;
4. da redovno izvršavaju preuzete obaveze prema Udruženju;
5. da uredno i na vrijeme izmiruje članarinu.

IX SKUPŠTINA UDRUŽENJA, PREDSTAVLJANJE I ZASTUPANJE UDRUŽENJA

Član 27.

Skupština Udruženja je najviši organ upravljanja Udruženjem i čine je svi članovi Udruženja. Način rada Skupštine pobliže se utvrđuje Poslovníkom o radu Skupštine.

Član 28.

Skupština Udruženja može biti:

- redovna i
- vanredna.

Redovna Skupština održava se u pravilu jednom godišnje i ima za cilj kontrolu rada putem razmatranja godišnjeg izvještaja o radu Udruženja.

Vanredna Skupština saziva se izuzetno, u slučaju nepredviđenih teškoća u radu, poremećaja međuljudskih odnosa u organizaciji i drugih okolnosti kada je ugrožen rad i vitalni interesi Udruženja.

Član 29.

U radu Skupštine, bez prava odlučivanja mogu prisustvovati i predstavnici drugih pravnih lica sa kojima Udruženje ostvaruje saradnju i predstavnici državnih organa.

Član 30.

Poziv o održavanju redovne Skupštine mora se uputiti članovima najmanje 15 dana prije njenog održavanja i to zajedno sa formulisanim dnevnim redom.

Skupštinu saziva predsjednik Skupštine Udruženja.

Predsjednik Skupštine Udruženja je dužan sazvati vanrednu sjednicu Skupštine na zahtjev više od 1/3 članova Skupštine.

Vanredna Skupština se saziva na temelju pismeno obrazloženog zahtjeva.

Član 31.

Radom sjednice Skupštine rukovodi predsjednik Skupštine.

Skupština bira zapisničara i ovjerivača zapisnika, koji zajedno s predsjednikom Skupštine vode i potpisuju zapisnik sa sjednice.

Član 32.

Skupština punovažno odlučuje kada sjednici prisustvuje više od 1/3 članova. Odluke i zaključci se donose većinom glasova članova koji prisustvuju sjednici, ukoliko Statutom nije predviđeno da se za donošenje određenih akata traži kvalifikovana većina. U okviru posebnih ovlaštenja Upravni odbor može donositi odluke, koje će biti verifikovane na narednoj sjednici Skupštine.

Glasanje na sjednici je javno, izuzev ukoliko Skupština na samoj skupštini ne utvrdi tajni način glasanja.

Član 33.

Skupština u svojoj nadležnosti:

a) donosi:

- Statut i odlučuje o njegovim izmjenama i dopunama,
- Opšta akta Udruženja i Poslovnik o radu Skupštine, s tim što za donošenje pojedinih opštih akata može ovlastiti Upravni odbor;
- Program rada Udruženja i njegovih organa,
- Finansijski plan za tekuću godinu i završni račun Udruženja,
- Odluke o pripajanju, razdvajanju, transformiranju, raspuštanju i prestanku rada, kao i o drugim statusnim promjenama Udruženja,
- Odluku o promjeni naziva Udruženja,
- Odluku o raspodjeli imovine Udruženja, za slučaj njegovog prestanka,
- Odluke o pohvalama i nagradama zaslužnih članova Udruženja,
- Daje tumačenje odredbi ovog Statuta.

b) razmatra i usvaja:

- izvještaje o radu Udruženja, koje podnosi predsjednik i potpredsjednik Udruženja,

c) bira:

- članove Upravnog i Nadzornog odbora Udruženja
- predsjednika i potpredsjednika Skupštine udruženja
- predsjednika i potpredsjednika Udruženja ,
- počasne članove Udruženja i vrši njihovo proglašenje.

Član 34.

Predstavlanje Udruženja u pravnom prometu prema trećim licima povjereno je predsjedniku Udruženja , a u slučaju njegovog odsustva potpredsjedniku Udruženja.

Član 35.

Predsjednika i potpredsjednika Udruženja bira Skupština, na mandatni period od četiri godine i mogu se ponovo birati na istu funkciju. Predsjednik i potpredsjednik Udruženja za svoj rad odgovaraju Skupštini.

Član 36.

Predsjednik i potpredsjednik Udruženja su obavezni da poslovanje Udruženja vode po mjerilima zakona, odredbama Statuta i odlukama Skupštine Udruženja.

Predsjednik Udruženja:

- predstavlja Udruženje u pravnom prometu prema trećim licima,
- provodi i odgovara za utvrđenu politiku Udruženja,
- podnosi pismene izvještaje o radu Udruženja,
- učestvuje u pripremi svih akata Udruženja,
- potpisuje opća akta Udruženja,
- informiše javnost o aktivnostima Udruženja putem kontakta sa sredstvima informisanja, predstavnicima vlasti, trećim licima, te putem web sitea o čijoj se ažurnosti stara.

Član 37.

Predsjednik i potpredsjednik Udruženja su odgovorni za sprovođenje utvrđene poslovne politike Udruženja, kao i za neostvarivanje planiranih rezultata Udruženja.

Predsjednik Udruženja je obavezan najmanje jednom godišnje podnijeti pismeni izvještaj o radu Udruženja na usvajanje Skupštini.

Ukoliko izvještaj o radu ne bude usvojen, smatra se da je predsjednik Udruženja razriješen svoje dužnosti.

Član 38.

Za potrebe obavljanja stručnih i/ili administrativnih poslova Udruženja može se uposliti osoba koja ispunjava uvjete propisane Pravilnikom o radu Udruženja koji donosi Skupština Udruženja.

Pravilnikom o radu bliže će se regulisati pitanja vezana za prava i obaveze po osnovu rada.

X JAVNOST RADA

Član 39.

Rad Udruženja je javan. Javnost rada ostvaruje se neposrednim informisanjem i putem sredstava javnog informisanja za značajnije aktivnosti.

Svim članovima Udruženja bit će omogućen neometan uvid u obavljanje aktivnosti na svim područjima na kojima djeluje ovo Udruženje, kao i planiranje daljnjih aktivnosti.

Za javnost rada odgovoran je predsjednik Udruženja.

XI POSTUPAK ZA IZMJENU I DOPUNU STATUTA

Član 40.

Za donošenje Statuta, izmjene i dopune Statuta, te drugih općih akata određenih Statutom nadležna je Skupština.

Izmjene i dopune Statuta Udruženja usvaja Skupština dvotrećinskom većinom glasova ukupnog broja članova.

Inicijativu za izmjene i dopune Statuta može podnijeti 2/3 članova Udruženja, koja se upućuje Predsjedniku Udruženja koji priprema tekst nacрта za izmjene i dopune Statuta.

Član 41.

Udruženje pored Statuta može imati i druga opća akta. Organi Udruženja donose pravilnike, poslovnike i odluke koji moraju biti u skladu sa Zakonom i ovim Statutom.

XII SPAJANJE, PODJELA I PRESTANAK RADA UDRUŽENJA

Član 42.

Udruženje se može pripojiti drugom udruženju, razdvojiti se u dva ili više udruženja i transformisati se u drugo udruženje, u kojim slučajevima je dužno nadležnom organu prijaviti navedene promjene u roku od 30 (trideset) dana od dana izvršene promjene
Odluku o promjeni donosi Skupština dvotrećinskom većinom svih članova Skupštine Udruženja.

Član 43.

Udruženje prestaje sa radom:

- Ako Skupština Udruženja iz opravdanih razloga donese odluku o prestanku rada Udruženja,
- Ako je Udruženje prestalo djelovati, odnosno ako je proteklo 2 (dvije) godine od dana održavanja Skupštine, a nova nije održana ili ako se broj članova Udruženja smanji ispod 3 (tri), a Skupština u roku od 3 (tri) mjeseca od dana nastupanja ove okolnosti ne donese odluku o prijemu novih članova,
- U drugim slučajevima utvrđenim zakonom.

XIII ZASTUPANJE I PREDSTAVLJANJE

Član 44.

Udruženje u pravnom prometu predstavlja i zastupa predsjednik Udruženja u okviru ovlaštenja utvrđenih ovim Statutom i Zakonom.

Član 45.

U postupcima u kojima Udruženje učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik Udruženja može dati pismenu punomoć advokatu za zastupanje ili drugoj stručnoj osobi.

XIV ZAVRŠNE ODREDBE

Član 46.

Tumačenje odredbi ovog Statuta daje Skupština Udruženja.

Član 47.

Ovaj Statut stupa na snagu danom donošenja, a primjenjivat će se od dana upisa u registar Udruženja kod nadležnog ministarstva.

Broj protokola: _____
Sarajevo, 16.05.2014.g.

Predsjednik Osnivačke Skupštine:
Miran Karabašić